



### De gebaorte van ein elf

de begins met eine halve raod van elf  
daovan pakse presies de helf  
die oétkôms deilse dan hiel net  
door ein hempelke van dit of det  
nao vuul viéve en zesse  
kump dao d'n inhalt beej van twië laege tesse.

Dan pakse niks, en det twië kiër .  
Det deilse door ein bietje miër  
daonao môsse dreej roëzekranse baeje  
en dao de helf van tössenoët gaeje  
asse dan dae gros gewisseld hes  
zônder ein äörtje op de tes  
kump daobeej ets miër as eine zwiek  
maar dan minstes döbbeldiek  
det getal wuurt hiel moei aafgerônd in de heuk  
anders höfse dich einen dieken breuk  
oét dees oétkôms wuürt de wortel getrokke  
en opgeteld beej twië volle doëvehoкке  
guüf det eingetal tösse Y en X  
waat net zoë vuul is as viéf kiër niks  
hesse ôndertösse eine valse kien  
kan det de grutste gemeine deiler zien  
dae môt dan waal iërs twië blind doon  
en det vermeinigvöldige met 't mäötje in de schoon  
opgeteld beej 't aantal kólse in einen buul  
kriesse viéf kiër schöppen aos met vuul  
gedeild door de windkrach beej raegenwaer  
guüf det 't I.Q. van einstoofpaer  
en ônder de streep verschient dan gans vanzelf  
hiel gewoën elf

Wiel Hermans Venlo